

故炊箒主人面生白駮以月蝕夜和諸藥燒成灰和苦酒合為泥傳之

天羅勒主漢毒按碎傳之瘡上似天羅勒生江南平地

毛蒙主癰腫疽瘻癰瘰癧杵碎內瘡中引膿血生肌亦作湯洗瘡兼濯足治脚氣生山足似烏蒙葉上有毛根冬不死也

蛇芮草主蛇虺及毒蟲等螫取根葉搗傳咬處當下黃水生平地葉似苦杖而小節亦高一二尺種之辟蛇又有一種草莖圓似芋亦傳蛇毒

百一方東關有草狀如芋莖方節赤授傳蛇毒如摘却亦名蛇芮草二草總能主蛇未知何者的是有鼠芮草如舊蒲出山石上取根藥鼠立死

萬一藤主蛇咬杵篩以水和如泥傳癰上藤蔓如小豆生嶺南亦名萬吉

螺螄草主癰腫風疹脚氣腫搗傳之亦煮湯洗腫處藤生石上似螺螄微有赤色背有少毛

繼母草主惡瘡杵傳之生塞北川原有紫碧花有角角上有刺蒿之類也亦名繼母籍

甲煎味辛平無毒主甲疽瘡及雜瘡難差者蟲蜂蛇蝎所螫疥小兒頭瘡吻瘡耳後月蝕瘡並傳之合諸藥及美果花燒成灰和蠟成口脂所生與甲煎略同三年者治蟲雜瘡及口傍嘔瘡甲疽等瘡

金瘡小草味甘平無毒主金瘡止血長肌斷鼻中衄血取葉按碎傳之又預知石灰杵為圓日乾臨時刮傳亦煮服斷血瘀及卒下血生江南村落田野間下濕地高一二寸許如齊葉短春夏間有淺紫花長一粳米也

鬼釵草味苦平無毒生蛇及蜘蛛咬杵碎傳之亦搗絞汁服生池畔葉有極方莖子作釵脚著人衣如針此人呼為鬼針

圖經衍義本草卷之十七

圖經衍義本草卷之十八

事五

草部下品 宋通直郎辨驗藥材寇宗奭編撰 宋大醫助教辨驗藥材許洪校正

何首烏附今 商陸 威靈仙附今

牽牛子附今 蓖麻子附今 蒴藋

天南星附今 羊蹄附今 菘根

蒴藋 狼毒 稀莖

馬鞭草 芋根 白頭翁

甘蕉根附今 蘆根 鬼臼

角蒿附今 馬兜零附今 仙茅附今

羊桃 鼠尾草 女青

故麻鞋底附今 劉寄奴草附今 骨碎補附今

何首烏



味苦澁微溫無毒主癰疽消瘰腫瘰

頭面風瘡五痔止痛益血氣黑鬚悅顏  
色久服長筋骨益精髓延年不老亦治婦人  
產後及帶下諸疾本出順州南河縣今嶺外  
江南諸州皆有蔓紫花黃白葉如署預而不  
先生必相對根大如拳有赤白二種赤者雄

白者雌一名野苗一名交藤一名夜合一名  
地精一名陳知白春夏採臨用之以苦竹刀  
切米泔浸經宿暴乾木杵臼搗之忌鐵附今

禹錫等按日華子云味甘久服令人有子  
治腹藏宿疾一切冷氣及腸風此藥有雌

雄雄者苗葉黃白雌者赤黃色凡脩合藥  
須雌雄相合喫有驗其藥本草無名因何  
首烏見藤夜交便即採食有功因以採人  
為名耳又名桃柳藤

圖經曰何首烏本出順州南河縣嶺外江  
南諸州亦有今在處有之以西洛嵩山及  
南京柘城縣者為勝春生苗葉葉相對如  
山芋而不光澤其莖蔓延竹木牆壁間夏  
秋開黃白花似葛蕪花結子有稜似蕎麥  
而細小纒如粟大秋冬取根大者如拳各

有五稜辨似小甜瓜此有二種赤者雄白  
者雌採時乘濕以布帛拭去土後用苦竹  
刀切米泔浸一宿暴乾忌鐵以木杵搗  
之一云春採根秋採花九蒸九暴乃可服  
此藥本名交藤因何首烏服而得名何首

烏順州河南縣人祖能嗣本名田兒生而  
閏弱年五十八無妻子一日醉則野中見  
田中藤兩本異生苗蔓相交久乃解解合  
三四田兒心異之掘根持問鄉人無能名  
者遂暴乾搗末酒服七日而思人道百日

而舊疾皆愈十年而生數男後改名能嗣  
又與子庭服皆壽百六十歲首烏服藥亦  
年百三十歲唐元和七年僧文像遇茅山

老人遂傳其事李翱因著方錄云又叙其  
苗如木葉光澤形如桃柳葉其背偏獨單  
皆生不相對有雌雄者雌者苗色黃白雄

者黃赤其生相遠夜則苗蔓交或隱化不  
見春末夏中初秋三時候晴明日兼雌雄  
採之烈日暴乾散服酒下良採時盡其根  
乘潤以布帛拭去泥土勿損皮密器貯之

每月再暴乾服偶日二四六八日是服訖  
以衣覆汗出導引尤忌猪羊血其叙頗詳  
故載之  
經驗方何首烏新採者去皮後用銅竹刀  
薄切片上既如炊飯蒸下用笏石鍋忌鐵

旁更別燒一鍋常滿漆水候藥氣上逐  
旋以熱水從上淋下勿令滿溢直候首烏  
絕無氣味然後取下一匙頭汁白湯亦可  
此是藥之精英與常不同治骨軟風腰膝  
疼行履不得適身癢痒首烏大而有花紋

者同牛膝到各一觔以好酒一升浸七宿  
暴乾於木臼內搗末蜜丸每日空心食前  
酒下三五十九〇又方治諸處皮裏面痛

首烏末姜汁調成膏痛處以帛子裏之用  
灸鞋底熨之妙

斗門方治癩癧或破不破以至曾前者皆  
治之用九真藤取其根如雞卵大洗生嚼  
常服又取葉搗覆上數服即止其藥久  
服黑髮延年或取其頭獲之九數者服之  
乃仙矣其葉如杏其根亦類瘧子用之如

神又堪為利術伏沙子自有法一名何首烏又名赤葛

王氏博濟治疥癬滿身作瘡不可治者何首烏艾等分以水煎令濃於盆內洗之甚能解癩生肌肉

何首烏傳昔何首烏者順州南河縣人祖名能嗣父名延秀能嗣常慕道術隨師在山因醉夜卧山野忽見有藤二株相去三尺餘苗蔓相交久而方解解了又交驚訝其異至且遂掘其根歸問諸人無識者後

有山老忽來示之答曰子既無嗣其藤乃異此恐是神仙之藥何不服之遂杵為末空心酒服一錢服數月似強健因此常服又加二錢服之經年舊疾皆痊髮烏容少數年之內即有子名延秀秀生首烏首烏之名因此而得生數子年百餘歲髮黑有

李安期者與首烏鄉里親善竊得方服其壽至長遂叙其事何首烏味甘生溫無毒茯苓為使治五痔腰膝之病冷氣心痛積年勞瘦癯痺風虛敗步長筋力益精髓壯

氣駐顏黑髮延年婦人惡血痿黃產後諸疾赤白帶下毒氣入腹久痢不止其功不可具述一名野苗二名交藤三名夜合四名地精五名首烏本出虔州江南諸道皆有之苗葉有光澤又如桃李葉雄苗赤根

速不過三尺春秋可採日乾去皮為末酒下最良有疾即用茯苓湯下為使常杵末新瓷器盛服之忌猪肉血無鱗魚蠲藥無力此藥形大如拳連珠其中有形鳥獸山嶽之狀珍也掘得去皮生喫得味音甜休

稂讚曰神効助道著在仙經雌雄相交夜合晝踈服之去穀日居月諸返老還少變安病軀有緣者遇傳之勿泄最爾自如明州刺史李遠傳錄經驗何首烏所出幽州南河縣韶州潮州恩州賀州廣州四會縣滿州已上出處為上邕州晉興縣桂州康州春州瓊州高州循州已上所出次之其仙草五十年者如拳大號山奴服之一年鬚髮青黑一百年如椀大號山哥服之一年顏色紅悅一百三十年如盆大號山伯

服之一年齒落重生二百年如斗栲栳大號山翁服之一年顏如童子行及奔馬三百年如三斗栲栳大號山精服之一年延齡純陽之體又服成地仙

商陸

商陸



何首



味甘辛酸平有毒生水脹病癢痺熨除癰腫殺鬼精物療胃中邪氣水腫痿痺腹滿洪直疏五藏散水氣如人形者有神一名葛根

一名夜呼生咸陽川谷

陶隱居云近道處處有方家不甚乾用療水腫切生根雜生鯉魚煮作湯道家乃散用及煎釀皆能去尸蠱見鬼神其實亦入神藥花名芛花尤良唐本注云此有赤白

二種白者入藥用赤者見鬼神甚有毒但貼腫外若服之傷人乃至痢血不已而死也○今注商陸一名白昌一名當陸

禹錫等按蜀本圖經云葉大如牛舌而厚

六花者根赤白花者根白今所在下之二月八月採根日乾

爾雅云逐蕩馬尾廣雅曰馬尾商陸本草云別名蕩今關西亦呼為蕩江東呼為當陸釋文云如人形者有神

藥性論云當陸使忌大肉味甘有大毒能瀉十種水病喉痺不通薄切醋熬喉腫處外傳之差

日華子云白章陸味苦冷得大蒜良通大小腸瀉蠱毒隨胎協腫毒傳惡瘡赤者有毒

圖經曰商陸俗名章柳根生咸陽山谷今處處有之多生於人家園圃中春生苗高三四尺葉青如牛舌而長莖青亦至柔脆夏秋開紅紫花作朶根如蘆根而長八月九月內採根暴乾其用歸表古方術家多

用之亦可單服五月五日採根竹葉盛挂屋東北角陰乾百日擣篩并華水調服云神仙所秘法喉中卒被毒氣攻痛者切根

及令熱隔布熨之冷輒易立愈其花一人心悟塞多忘喜恨取花陰乾百日擣末日暮水服方寸七肘思念所欲事即於眼中

自覺爾雅謂之逐蕩廣雅謂之馬尾易謂之莧陸皆謂此商陸也然有赤白二種花赤者根赤花白者根白赤者不入藥服食用白者又一種名赤莖莖葉絕相類不可

用服之傷筋消腎須細辨之雷公云凡使勿用赤莖緣相似其赤莖花莖有消筋腎之毒故勿解章陸花白年多

後仙人採之用作脯可下酒也每修事先以銅刀刮去上皮下皮了薄切以東流水浸兩

宿然後瀝出架既蒸以豆葉一重了與章陸一重如斯蒸從午至亥出仍去豆葉暴乾了細剉用若無豆葉只用豆代之

外臺秘要治水氣商陸根白者去皮切如小豆許一大盞以水三升煮取一升已上爛即取粟米一大盞煮成粥仍空心服若

一日兩度服即恐利多每日服一頓即微利不得雜食又方治瘰癧喉痺卒攻痛擣生章陸根捻作餅子置瘰癧上以艾炷於藥上灸三四

壯千金髓治水氣浮腫白莖六兩取汁半合和酒半升看大小相度與服當利下水差

又方卒暴癧腫中有物如石痛刺喘呼若不治百日死多取商陸根搗汁或蒸之以布藉腹上安藥勿覆冷復易晝夜勿息

經驗方治水疾樟柳去麤皮薄切暴乾為末用黃頰魚三頭大蒜三瓣菜豆一合以水一大椀同煮豆爛為度先將豆任意喫下却以汁調藥末一錢七其水化為氣消

梅師方治水腫不能服藥商陸一升羊肉

六兩以水一斗煮取六升去滓和肉葱豉

作腫如常法食之商陸白者妙

孫真人食忌主一切熱毒腫章陸根和鹽

少許傳之日再易○又方主瘡中毒切章

陸根汁熱布裹熨之冷即易

斗門方治脚軟用樟柳根細切如小豆大

煮令熟更入菘豆同爛煮為飯每日如此


修事服餌以差為度其功最効

張文仲治石癭堅如石不作膿者生章陸


根搗搽之燥即易取軟為度

威靈仙

州并



化



州石



州并



威靈仙味苦温無毒主諸風宣通五藏去腹

悶冷滯心膈痰水久積癥瘕痲痺氣塊膀胱

宿肥惡水腰膝冷疼及癢折傷一名能消大

服之無癭疫瘡出商州上洛山及華山并平

澤不聞水聲者良生先於衆早莖方數葉相

對花淺紫根生稠密歲久益繁冬月丙丁戊

巳日採忌茗○今附禹錫等按蜀本云九月

未至十二月採陰乾餘月並不堪採

圖經曰威靈仙出商州上洛山及華山并

平澤今陝西河東河北京東江湖州郡或

有之初生比衆草最先莖梗如釵股四稜

葉似柳葉作層每層六七葉如車輪有六

層至七層者七月內生花淺紫或碧白色

作穗似蒲臺子亦有似菊花頭者實青根

稠密多鬚似穀每年亦朽敗九月採根陰

乾仍以丙丁戊巳日採以不聞水聲者佳

唐正元中嵩陽子周君巢作威靈仙傳云

先時商州有人重病足不履地者數十年

良醫彈技莫能瘳所親置之道傍以求救

者遇一新羅僧見之告曰此疾一藥可活

但不知此土有否因為之入山求索果得

乃威靈仙也使服之數日能步履其後山

人鄧思齊知之遂傳其事崔亮海上方

著其法云採得陰乾月餘搗節温清酒和

二錢七空服之如人本姓殺藥可加及

六錢七利過兩行服減之病陰方停服其

性甚善不觸諸藥但藥茶及麪湯以甘草

柅子代飲可也

唐本云腰膝脚膝積裝腸內積冷痛積年不差者服之無不立效治商州洛陽縣九月未至十二月抹陰乾餘月並不堪採每

年傍引年深轉茂根苗漸多經數年亦朽敗千金方治腰脚痛威靈仙末空心温酒調下錢匕逐日以微利為度

經驗方治大腸久冷威靈仙寒九桐子大於一更內生姜湯下十九至二十九

又方治腰脚威靈仙二觔洗乾好酒浸七日為末麩糊九桐子大以浸藥酒下二十

九○集驗方治腎藏風積腰膝沉重威靈仙末蜜和九桐子大初服温酒下八十

九平明微利惡物如青濃桃膠即是風毒積滯也如未動夜再服一百九取下後喫

粥藥補之一月仍常服温補藥孫兆放杖丸同

崔氏海上集威靈仙去衆風通十二經脉

此藥朝服暮効疎宜五藏冷膿宿水變病微利不瀉人服此四肢輕健手足温暖並得清涼時商州有人患重足不履地經十

年不差忽遇新羅僧見云此疾有藥可理遂入山求之道復數日平復後留此藥名而去此藥治丈夫婦人中風不語手足不隨口眼喎邪筋骨節風胎風頭風暗風心風風狂人傷寒頭痛鼻涕服經二度傷

寒即止頭旋目眩白痰風極治大風皮膚風痺大毒熱毒風瘡深治勞疾連腰骨節

風遠脫風言語澁滯痰積宣通五藏腹內宿滯心頭痰水膀胱宿膿口中涎水毒喫

茶滓手足頑痺冷熱氣壅腰膝疼痛久立不得浮氣痞氣增寒壯熱頭痛九甚攻耳

成膿而聾又衝眼赤大小腸秘服此立通飲食即住黃疸黑疸面無顏色瘰癧遍項

產後閉澁背腰痛曾經墮墜心痛注氣膈氣冷氣攻衝腎藏風壅腹肚脹滿頭面浮

腫注毒脾肺氣痰熱欬嗽氣急坐卧不安疥癬等瘡婦人月水不來動經多日血氣

衝心陰汗盜汗鳴鼻穢甚氣息不堪勤服威靈仙更用熱湯盡日頻洗朝以苦唾調

藥塗身上内外每日一次塗之當得平愈

孩兒無辜令母含藥灌之痔疾閉澁氣痢絞結並皆治之威靈仙一味洗焙為末好酒和令微濕入竹筒內牢塞口九蒸九暴如乾添酒重洒之以白飯和九如桐子大每服二十至三十九湯酒下

衍義曰威靈仙治腸風根性快多服疏人五藏真氣

牽牛子

越州



牽牛子味苦寒有毒主下氣療脚滿水腫除風毒利小便

陶隱居云作藤生花狀如藕豆黃色子作小房實黑色形如毬子核比來服之以療脚滿氣急得小便利無不差此藥始出田野人牽牛易藥故以名之又有一種草葉上有三白點俗因以名三白草其根以療

脚下氣亦甚有驗

唐本注云此花似旋菑花作碧色又不黃不似藕豆其三白草有三黑點非白也古人秘之隱黑為白爾陶不見但聞而傳之謂實白點○今注此藥蔓生花如鼓子花而稍大作碧色子有黃殼作小房實黑稍類蕎麥比來服之以療脚腫滿氣急利水道無不差者

禹錫等按蜀本圖經云苗蔓生花碧色子若蕎麥三稜黑色九月已後收子所在有之

藥性論云牽牛子使味甘有小毒能治痰癖氣塊利大小便除水氣虛腫落胎日華子云味苦酸得青木香乾姜良取腰痛下冷膿瀉盡毒藥并一切氣壅滯

圖經曰牽牛子舊不著所出州土今處處有之二月種子三月生苗作藤蔓遠離牆高者或三二丈其葉青有三尖角七月生花微紅帶碧色似鼓子花而大八月結實外有白皮裹作毬每毬內有子四五枚如

蕎麥大有三種有黑白二種九月後收之又名金鈴段成式酉陽雜俎云金甌草即牽牛子也秋節後斷之狀如盆甌其中子似龜蔓如山芋即此

雷公云草金鈴牽牛子是也凡使其藥秋末即有實冬收之凡使煎花却以水中淘浮者去之取沉者煎乾拌酒蒸從已至未煎乾臨用春去黑皮用

食療云多食稍冷和山茱萸服之去水病聖惠方治水氣遍身浮腫氣促坐卧不得用牽牛子二兩微炒搗細末納牛尿浸

宿平旦入葱白一握煎十餘沸去滓空心分為二服水從小便中下肘後方治風毒脚氣若脛已滿捻之沒指者取牽牛子搗蜜丸如小豆大每服五丸生薑湯下取令小便利亦可止

斗門方治風氣所攻藏府積滯用牽牛子以童子小便浸一宿後長流水上洗半日却用生絹袋盛掛於當風處令好乾每日鹽湯下三十粒極能搜風亦善消虛腫久

服令人體清爽

王氏博濟治三焦氣不順胃膈壅塞頭昏目眩涕唾痰涎精神不爽利膈九牽牛子四兩半生半熟不蛀皂莢塗炙炙二兩為末生薑自然汁煮糊丸如桐子大每服三十九荆芥湯下○又亦治產前滑胎牽牛子一兩赤土少許研令極細每覺轉痛煩煎白榆皮湯調下一錢七

又方治男子婦人五般積氣成聚黑牽牛一筋生搗末八兩餘滓於新瓦上炒香熟放冷再搗取四兩熟末十二兩拌勻煉蜜和丸如桐子大患積氣至重者三五十丸煎陳橘皮生薑湯下晡卧空心服之如二

更至三更已來藥行時効應未動再與三十九投之轉下積聚之物常服十九至十五九行氣甚妙小兒十五已下至七歲已

上服五九至七九年及五十已上不請服簡要濟衆治大便澁不通牽牛子半生半熟搗為散每服二錢煎薑湯調下如未通再服及以熱茶調下量虛實無時候加減

服之

衍義曰牽牛子諸家之說紛紛不一陶隱居尤甚言花狀如藕豆殊不相啻花朵如鼓子花但碧色日出開日西合令注又謂其中子類蕎麥亦非也蓋真如木猴梨子但黑色可微炒搗取其中粉一兩別以麩炒去皮尖者桃仁末半兩以熟蜜和丸如梧桐子溫水服三二十九治大腸風秘壅熱結澁不可久服亦行脾胃氣故也

蓖麻子

明州



儋州



**蓖麻子**味甘辛平有小毒主水瘕水研二十枚服之吐惡沫加至三十枚三日一服差則止又主風虛寒熱身體瘡痒浮腫尸疰惡氣竿取油塗之○葉主脚氣風腫不仁搗蒸傅之

唐本注云此人間所種者葉似大麻葉而甚大其子如蟬音又名蓖麻今胡中來者莖赤樹高丈餘子大如皂莢核用之益良油塗葉炙熱慰顛音上止疔尤驗也唐本先附

禹錫等按蜀本圖經云樹生葉似大麻大數倍子角有刺實大於巴豆青黃色斑夏用莖葉秋收子冬採根日乾胡中來者莖子更倍大所在有之又云葉似葎草而厚大莖亦有節如甘蔗

日華子云治水脹腹滿細研水服壯人可五粒催生傳產人手足心產後速拭去瘡癢疥癩亦可研傅  
圖經曰蓖麻子舊不著所出用郡今在處有之夏生苗葉似葎草而厚大莖亦有節

如甘蔗高丈許秋生細花隨便結實殼上有刺實類巴豆青黃斑褐形如牛蟬故名夏採莖葉秋採實冬採根日乾胡中來者莖子更大崔元亮海上方治產及胞衣不下取蓖麻子七枚研如膏塗脚心子及衣纔下便速洗去不爾腸出即用此膏塗頂腸當自入

雷公云凡使勿用黑天赤利子緣在地莖上生是顆兩頭尖有毒藥中不用其蓖麻子形似巴豆節節有黃黑斑點凡使先須和皮用鹽湯煮半日去皮取子研過用外臺祕要治半身不遂失音不語取蓖麻子油一升酒一斗銅鉢盛油著酒中一日煮之令酒油熟服之○又方治水氣取蓖麻子去皮研令熟水解得三合清旦一頓服之盡日中當下青黃水

千金方治嶺南脚氣從足至膝脛腫滿連骨疼者蓖麻子葉切蒸薄裹二三易即消肘後方治一切毒腫疼痛不可忍者搗蓖麻子傳之立差○又方產難取蓖麻子二



枚兩手各把一枚須臾立下

經驗後方治風痰鼻塌蓖麻不拘多少去皮拍為二片用黃連等分搥碎二件用水

一處浸七宿後空心日午卧時只用浸者水吞下一片水盡旋添勿令乾服兩月後

喫大蒜猪肉試驗如不發動便是効也若發動時依前法再服直候不發如只腿脹

用針出毒物累有神驗  
修真秘旨治小兒丹瘤蓖麻子五箇去皮研入麪一匙水調塗之甚効

杜壬治痢風手指攣曲節間痛不可忍至漸落方蓖麻一兩去皮黃連一兩剉如

豆以小瓶子入水一升同浸春夏三日秋冬五日後取蓖麻子一枚擘破面東以浸

藥水平旦時一服漸加至四五枚微利不妨瓶中水少更添十九忌動風食累用得効

又方治咽中瘡腫蓖麻子一枚去皮扑消一錢同研新汲水作一服連進二三服効

初虞世治湯火傷神妙蓖麻子蛤粉等分末研膏湯損用油調塗火瘡用水調塗

末研膏湯損用油調塗火瘡用水調塗

**胡蘆** 味酸温有毒主風癢癰身痒滋痺可作浴湯一名董草一名艾生田野春夏採葉

秋冬採莖根附今  
陶隱居云田野墟村中甚多絕療風痺痒痛多用薄洗不堪入服亦有酒漬根梢飲

之者  
唐本注云此陸英也剉出此條爾雅云艾董草郭注云烏頭苗也檢三董別名又無

比者蜀人謂烏頭苗為董草陶引此條不知所出處藥對及古方無蒟藿惟言陸英

也○今注蒟藿條唐本編在狼跋子之後而與陸英條注解並云剉出一條今詳陸

英味苦寒無毒既此不同難謂一種蓋其類爾今但移附陸英之下

禹錫等按日華子云味苦涼有毒治癩類風痺並煎湯浸并葉用

圖經文具陸英條下○雷公云凡使之春用隔年花藥夏用根秋冬並總用作煎只

取根用銅刀細切於柳木臼中擣取自然汁緩緩於鍋子中煎如稀錫任用也

外臺秘要治卒暴癰腹中有物堅如石痛欲死取蒟藿根一小束洗瀝去水細擘以

酒二升漬三宿煖温服五合至一升日三若欲速得服於熟灰中温令藥味出服之此方無毒已愈十六人神驗藥盡復作服

之○又方治腰痛方蒟藿葉火燎厚鋪床上趁熱卧眠於上冷復易之冬月取根搥

碎熬及熟準前用并治風温濕冷痺及產婦患傷冷腰痛不得動亦用○又方治下部閉不通取蒟藿根一把擣汁水和絞去

滓強人服一升數用之并治脚氣

千金方治嶺南脚氣從足至膝脛腫骨疼者蒟藿根碎和酒醋共三分根一分合蒸

熟封裏腫上二三日即消亦治不仁

又方治頭風取蒟藿根二升酒二升煮服之○梅師方治水腫坐卧不得頭面身體

悉腫取蒟藿根刮去皮擣汁一合和酒一合煖空心服當微吐利○又方治一切癩

用煮蒟藿湯和少酒塗無不差姚氏方同孫直人食忌主卒脚腫漸上以蒟藿葉

孫直人食忌主卒脚腫漸上以蒟藿葉

孫直人食忌主卒脚腫漸上以蒟藿葉

埋熱灰中令熱傳腫上差即易  
斗門方治瘡疾用蒟蒻一大握炙令黃色  
以水濃煎一盞欲發前服

張文仲治手足忽生疣目蒟蒻赤子授使  
壞疣目上令赤塗之差又方治熊傷人

瘡蒟蒻一大把判碎以水一盞漬須臾取  
汁飲餘滓以封裹瘡子母秘錄治小兒

赤遊行於身上下至心即死蒟蒻煎汁洗  
之衍義曰蒟蒻與陸英既性味及出產  
處不同治療又別自是二物斷無疑焉况

蒟蒻花白子初青如菜豆顆每朵如盞面  
大又平生有一二百子十月方熟紅豈得  
言剩出此條孟浪之甚也

天南星

江寧府



天南星味苦辛有毒主中風除痰麻痺下氣

破堅積消癰腫利胃膈散血墮胎生平澤處  
處有之葉似蒟蒻根如芋二月八月採之附今

禹錫等按陳藏器云天南星主金瘡傷折  
瘀血取根碎傳傷處生安東山谷葉如荷

獨莖最良日華子云味辛烈平畏附子  
乾薑生薑薑撲損瘀血主蛇蟲咬傳疥癬

惡瘡入藥炮用又名鬼蒟蒻  
圖經曰天南星本經不載所出州土云生

平澤今處處有之二月生苗似荷梗莖高  
一尺以來葉如蒟蒻兩枝相抱五月開花

似蛇頭黃色七月結子作穗似石榴子紅  
色根似芋而圓二月八月採根亦與蒟蒻

根相類人多誤採莖斑花紫是蒟蒻一說  
天南星如本草所說即虎掌也小者為田  
跋後人採用乃別立一名爾今天南星大

者四邊皆有子採時盡削去之又陳藏器  
云半夏高一二尺由跋高一二寸此正誤  
相反言也今由跋苗高一二尺莖似蒟蒻  
而無斑根如雞卵半夏高一二寸亦有盈  
尺者根如小指正圓也江南吳中又有白

蒟蒻亦曰鬼芋根都似天南星生下平澤  
極多皆雜採以為天南星了不可辨市中

所收往往是也但天南星小柔膩肌細炮  
之易裂差可辨爾古方多用虎掌不言天

南星天南星近出唐世中風痰毒方中多  
用之續傳信方治風痛用天南星躑躅花

並生時同搗羅作餅子甑上蒸四五過以  
絳葛囊盛之候要即取焙搗為末蒸餅丸

如梧桐子大溫酒下三九腰脚骨痛空心  
服手臂痛食後服大良

經驗方治急中風目瞑牙噤無門下藥者  
用此末子以中指點末搯齒三二十搯大

牙左右其口自開始得下藥名開關散天  
南星搗為末白龍腦二件各等分研以五  
月五日午時合患者只一字至半錢

又方治小兒走馬疳蝕透指骨及小攻蝕必効方天南星一箇當心作坑子安雄黃一塊在內用麩裹燒候雄黃作汁以蓋子合定出火毒去麩研為末入麝香少許拂瘡驗○又方治婦人一切風攻頭目痛天南星一箇掘地坑子火燒令赤安於坑中以醋一盞以蓋蓋之不令透氣候令取出為末每服一字以酒調下重者半錢

又方治驚風墜涎天南星一箇重一兩換酒浸七伏時取出於新瓦上周迴炭火炙令乾烈置於濕地去火毒用瓷器合盛之冷搗末用朱砂一分研同拌每服半錢荆芥湯調下每日空心午時進一二服

勝金方治吐血天南星一兩剉如豆大以爐灰汁浸二宿取出洗培乾搗末用酒磨自然銅下一錢愈

十全博救方治咳嗽天南星一箇大者炮令烈為末每服一大錢水一盞生薑三片煎至五分溫服空心日午臨卧時各一服集効方治吐瀉不止或取轉多四肢發厥

虛風不省人事服此四肢漸暖神識便省回陽散天南星為末每服三錢入京棗三枚同煎八分溫服未省再服

初虞世治破傷風入瘡強直防風天南星等分為末以醋調作膏貼上

譚氏方治小兒牙關不開天南星一箇煨熱紙裹封角休要透氣於細處剪雞頭大一竅子透氣於鼻孔中牙關立開

羊蹄根



**羊蹄**味苦寒無毒主頭充疥癩除熱女子陰蝕浸淫疔瘡殺蟲一名東方宿一名連蟲陸一名鬼目一名蓄生陳留川澤

陶隱居云今人呼名莽菜即是蓄音之訛詩云言採其蓄又一種極相似而味酸呼為酸摸根亦療疥也

唐本注云實味苦澁平無毒主赤白雜痢根味辛苦有小毒萬畢方云療蟲毒今山野澤處處有之

禹錫等按蜀本圖經云生下濕地高者三四尺葉狹長莖節間紫赤花青白色子三稜夏中即枯又有一種莖葉俱細節間生子若茺蔚子療痢乃佳今所在有之

日華子云羊蹄根治癰殺一切蟲腫毒醋摩貼葉治小兒疳蟲殺胡夷魚鮓魚擅胡魚毒亦可作菜食陳藏器云酸摸葉酸美小兒折食其英根生暴熱腹脹生搗絞汁服當下痢殺皮膚小蟲葉似羊蹄是山大黃一名當藥爾雅云須稜蕪注云似羊蹄而細味酸可食

日華子云酸摸味酸涼無毒治小兒壯熱生山崗狀似羊蹄葉小黃

圖經曰羊蹄蕪菜也生陳留川澤今所在有之生下濕地春生苗高三四尺葉狹長頗似萵苣而色深莖節間紫赤花青白成穗子三稜有若茺蔚夏中即枯根似生芎

而堅實今人生採根醋磨塗癬速效亦煎作丸服之其方以新採羊蹄根不限多少搗研絞取汁一大升白蜜半觔同熬如稠錫煎更用防風末六兩溲和令可丸大如梧子用括樓甘草酒下三二十九日二三

大佳謹按詩小雅言采其遂陸機云遂今人謂之羊蹄似蘆根而莖赤一約為茹滑而美也多啖令人下氣幽州人謂之遂字或作蓄並耻六切又有一種極相類莖葉黃味酢名酸模爾雅所謂須菴音孫蕪郭璞云菴蕪似羊蹄葉細味酢可食一名菴音條是也○食療主痒不宜多食

聖惠方治癰瘍風用羊蹄菜根於生鐵上以好醋磨旋刮取塗於患上未差更入硫黃少許同磨塗之○又方治大便卒澀結不通用羊蹄根一兩剉水一大盞煎取六分去滓溫頓服外臺秘要治疥方搗羊蹄根和猪脂塗上或著鹽少許佳千金方喉痺卒不語羊蹄獨根者勿見風

日及婦人雞犬以三年醋研和如泥生布拭喉令赤傳之


千金翼治漏瘡瘡濕癬痒浸淫日廣痒不可忍搔之黃水出差後復發取羊蹄淨去土細切搗以大酢和淨洗傳上一時間以

冷水洗之日一傳差若為末傳之妙

斗門方治腸風痔瀉血羊蹄根葉爛蒸一椀來食之立差

簡要濟衆治癬瘡久不差羊蹄根搗絞取汁用調膩粉少許如膏塗傳癬上三五偏即差如乾即猪脂調裡傳之

菘根



**菘根**大寒主腸胃痼熱消渴止小便

陶隱居云菘根亦如蘆根冷利復甚也

今按別本注云菘蔣草也江南人呼為茭

草秣馬甚肥味甘無毒

禹錫等按蜀本圖經云生水中葉似蔗莖久根盤厚夏月生菌細堪噉名菘菜三年

已上心中生臺如藕白軟中有黑脉堪噉名菘首也○爾雅云出隧蔬疏釋曰菌類

也一名出隧一名蔬蔬廣雅云朝生形如鬼蓋郭云似土菌生菘草中今江東噉之

甜滑者甞甞甞者說文云菘蔣也張揖云甞甞毛芘取其音同

孟說云菘菜利五藏邪氣酒皴面亦白頭

癰瘍目赤等效然滑中不可多食熱毒風

氣卒心痛可搗醋煮食之○又云菘首寒

主心胃中浮熱風食之發冷氣滋人齒傷

陽道令下焦冷滑不食甚好

陳藏器云菘菜味甘無毒去煩熱止渴除

陳藏器云菘菜味甘無毒去煩熱止渴除

陳藏器云菘菜味甘無毒去煩熱止渴除



日黃利大小便止熱痢雜魚為羹開胃  
口解酒毒生江東池澤菰葑上如菌葑是  
菰根歲久浮在水上者主火燒瘡燒為灰  
和雞子白塗之呂氏春秋曰菜之美者越  
路之菌是也晉強翰見秋風起思之

又云菰首生菰蔣草心至秋如小兒臂故  
云菰首煮食之止渴甘冷雜蜜食之發痼  
疾無別功更有一種小者擘肉如墨名烏  
鬱人亦食之止小兒水痢

日華子云芡苳微毒多食發氣并弱陽葉  
利五藏食巴豆人不可食

陶經曰菰根舊不著所出州土今江湖陂  
澤中皆有之即江南人呼為芡草者生水  
中葉如蒲葦輩刈以秣馬甚肥春亦生笋  
甜美堪噉即菰菜也又謂之交白其歲久  
者中心生白臺如小兒臂謂之菰手今人  
作菰首非是爾雅所謂蘧蔬注云似土菌  
生菰草中正謂此也故南方人至今謂菌  
為菰亦緣此義也其臺中有黑者謂之芡  
鬱其根亦如蘆根冷利更甚二浙下澤處

菰草最多其根相結而生久則并土浮於  
水上彼人謂之菰葑刈去其葉便可耕蔣  
其苗有莖梗者謂之菰蔣草至秋結實乃  
彫胡米也古人以為美饌今飢歲人猶採  
以當糧西京雜記云漢太液池邊皆是彫  
胡紫籜綠節蒲叢之類菰之有米者長安

人謂為彫胡葑蘆之米解葉者紫籜菰之  
有首者謂之綠節是也然則彫胡諸米今  
皆不貴大抵菰之種類皆極冷不可過食  
甚不益人惟服金石人相宜耳

陳藏器云芡苳主心胃中浮熱動氣不中  
食之發冷滋牙齒傷陽道今下焦冷不食  
為妙

食療云若丹石熱發和鯽魚煮作羹食之  
三兩頓即便差耳

外臺秘要治湯火所灼未成瘡取菰蔣根  
燒取灰用雞子黃和封之

廣濟方治毒蛇咬方菰蔣草根灰取以封  
之其草似鷲尾是

子母秘錄小兒風瘡久不差燒菰蔣節末

以傳之

衍義曰菰根蒲類四時取根搗絞汁用河  
朔邊人止以此苗飼馬曰菰蔣及作薦花  
如葦結青子細若青麻黃長幾寸彼人收  
之合粟為粥食之甚濟饑此杜甫所謂願  
作冷秋菰者是也為其皆生水中及岸際  
多食亦令人利

菰蓄



菰蓄味苦平無毒主浸淫疥癬疽痔殺三蟲  
療女子陰蝕生東萊山谷五月採陰乾

陶隱居云處處有布地生花節間白葉細  
綠人亦呼為菰竹煮汁與小兒飲療虻蟲  
有驗○禹錫等按蜀本圖經云葉如竹莖  
有節細如釵股生下濕地今所在有二月  
八月採苗日乾

爾雅云竹藟蒿釋云李巡云一物二名也  
孫炎引詩衛風云綠竹猗猗郭云似小藜  
赤莖節好生道傍可食又殺蟲陶注本草  
謂之藟竹是也

藥性論云藟竹使味甘煮汁與小兒服主  
蛇蟲等咬心痛面青口中沫出臨死者  
取十觔細剉以水一石煎去滓成煎如飴  
空心服蟲自下皆盡止主患痔疾者常取  
葉搗汁服効治熱黃取汁頓服一升多年  
者再服之根一握洗去土搗汁服之一升

惡丹石毒發衝目腫痛又傳熱腫効  
圖經曰藟蒿亦名藟竹出東萊山谷今在  
處有之春中布地生道傍苗似雀麥葉細  
綠如竹赤莖如釵股節間花出甚細嫩青  
黃色根如藟根四月五月採苗陰乾謹按  
爾雅云竹藟蒿郭璞注云似小藜赤莖節  
好生道傍可食又殺蟲術詩綠竹猗猗說  
者曰綠王芻也竹藟竹也即謂此藟蒿方  
書亦單用治蟲葛洪小兒蛇方煮汁分濃  
飲之即差

食療云蛇蟲心痛面青口中沫出臨水取  
葉十觔細切以水三石三斗煮如錫去滓  
通寒溫空心服一升蟲即下至重者再服  
仍通宿勿食來日平明服之患治常醫  
竹葉煮汁澄清常用以作飯又患熱黃五

痔搗汁頓服一升重者再服丹石發衝服  
目腫痛取根一握洗搗以少水絞取汁服  
之若熱腫處搗根莖傳之  
外臺秘要治丹發疼痛搗藟竹汁服一升  
一兩服便差若未差再服効

千金翼治外痔搗藟竹絞取汁渡麵作餅  
飴空心喫日三度常喫  
肘後方惡瘡連痂痒痛搗藟竹封痂落即  
差○食醫心鏡治小兒蛇蟲攻下部痒取  
扁竹葉一握切以水一升煎取五合去滓  
空腹飲之蟲即下用其汁煮粥亦佳  
又方治霍亂吐痢不止藟竹豉汁中以五  
味調和煮羹食之佳  
楊氏產乳治蟲狀如蝸牛合下部痒取扁  
竹一把水二升煮熟五歲兒空腹服三五

合隔宿食明早服之尤佳

狼毒

石州



狼毒味辛平有大毒主欬逆上氣破積聚飲  
食寒熱水氣脇下癰惡瘡鼠瘻疽蝕鬼積蟲  
毒殺飛鳥走獸一名續毒生秦亭山谷及奉  
高二月八月採根陰乾陳而沈水者良

大豆為之使惡麥句薑  
陶隱居云秦亭在隴西亦出宕昌乃言止  
有數畝地生蝮蛇食其根故為難得亦用  
太山者今用出漢中及建平云與防葵同  
根類但置水中沈者便是狼毒浮者則防  
葵俗用稀亦難得是瘰腹內要藥爾  
唐本注云此物與防葵都不同類生處又  
別狼毒今出秦州成州秦亭故在二州之  
界其太山漢中亦不聞有但秦隴寒地元

无蝮蛇復云數畝地生蝮蛇食其根謬矣  
今按別本注云與麻黃橘皮吳茱萸半夏  
枳實為六陳也又按狼毒葉似商陸及大  
黃莖葉上有毛根皮黃肉白以實重者為  
良輕者力劣秦亭在隴西奉高乃太山下  
縣亦出宕昌及漢中建平舊經陶云與防  
葵同根以置水中浮者即是防葵沈者即  
是狼毒此不足為信假使防葵秋冬採者  
堅實得水皆沈狼毒春夏採者輕虛得水  
乃浮爾按此與防葵全別生處不同故不  
可為比類

禹錫等按蜀本圖經云根似玄參浮虛者  
為劣也  
藥性論云狼毒使味苦辛有毒治痰飲癥  
瘕亦殺鼠

圖經曰狼毒生秦亭山谷及奉高今陝西  
州郡及遼石州亦有之苗葉似商陸及大  
黃莖葉上有毛四月開花八月結實根皮  
黃肉白二月八月採陰乾以陳而沈水者  
良葛洪治心腹相連常脹痛者用狼毒二

兩附子半兩搗篩蜜丸如桐子大一日服  
一九二日二九三日二九再一九至六日  
又三丸自一至三常服即瘥千金療惡疾  
以狼毒秦芫分兩等搗末酒服方寸七日  
二常服之瘥

聖惠方治乾癰積年生痂搔之黃水出每  
逢陰雨即痒用狼毒末塗之

集効方治臟腑內一切蟲病川狼毒杵末  
每服一大錢用錫一皂子大沙糖少許以  
水同化臨卧空腹服之服時先喫微緊食  
藥一服來日早取下蟲効

稀茶

海州



音味苦寒有小毒主熱醫煩滿不能  
食生搗汁服三四合多則令人吐  
唐本注云葉似酸漿而狹長花黃白色一

名火茶田野皆識之○今按別本注云三  
月四月採苗葉暴乾唐本先附  
禹錫等按蜀本圖經云高二尺許子青黃  
夏採葉用所在下濕地有之

圖經曰稀茶俗呼火杖草本經不著所出

州郡今處處有之春生苗葉似芥菜而狹  
長文蘼莖高三二尺秋初有花如菊秋末  
結實頗似鶴蟲夏採葉暴乾用近世多有  
單服者云甚益元氣蜀人服之法五月五  
日六月六日九月九日採其葉去根莖花

實淨洗暴乾入甑中層層灑酒與蜜蒸之  
又暴如此九過則已氣味極香美熬搗篩  
蜜丸服之云治肝腎風氣四肢麻痺骨間  
疼腰膝无力者亦能行大腸氣諸州所說  
皆云性寒有小毒與本經意同惟文州高  
郵軍云性熱无毒服之補虛安五藏生毛  
髮兼主風濕瘡肌肉頑痺婦人久冷尤宜  
服之用去蘼莖留枝葉花實蒸暴兩說不  
同豈單用葉乃寒而有毒并枝花實則熱  
而無毒乎抑繫二地所產而然邪

成訥云江陵府節度使進菴茶丸方臣有弟誦年三十二中風床枕五年百醫不差有道人鍾針者因觀此患曰可餌菴茶丸必愈其藥多生沃壤高三尺許節葉相對其葉當夏五月以來收每去地五寸剪刈以溫水洗泥土摘其葉及枝頭凡九蒸九暴不必火燥但取蒸為度仍熬搗為末丸如桐子大空心溫酒或米飲下三二十九服至二千丸所患忽如不得憂慮是藥攻之力服至四千丸必得復故五千丸當復丁壯臣依法修合與誦服果如其言鍾針又言此藥與本草所述功效相異蓋出處或在江東彼土人呼猪為猪呼臭為菴氣緣此藥如猪菴氣故以為名但經蒸暴菴氣自泯每當服後須喫飯三五匙歷之五月五日採者佳奉宣付醫院詳錄

同蒼耳誰知至賤之中乃有殊常之効臣自喫至百服眼目輕明即至千服髭鬚烏黑筋力校健効驗多端臣本州有都押衙羅守一曾因中風墜馬失音不語臣與十服其病立痊又和尚智嚴年七十忽患偏風口眼喎邪時時吐涎臣與十服盡亦便得瘥今合一百劑差職負史元奏進

馬鞭草



馬鞭草

主下部墜瘡

陶隱居云村墟陌甚多莖似細辛花紫色葉微似蓬蒿也

唐本注云苗似狼牙及羌蔚抽三四穗紫花似車前穗類鞭鞘故名馬鞭草不似蓬蒿也○今按陳藏器本草云馬鞭草主癥癖血瘕久癰破血作煎如糖酒服若云似

馬鞭草亦未近之其節生紫花如馬鞭節禹錫等按蜀本云味苦微寒無毒又圖經云生濕地花白色抽三四穗以七月八月採苗日乾所在皆有之○藥性論云馬鞭草亦可單用味苦有毒生搗水煎去滓成煎如飴空心酒服一七主破腹中惡血皆下殺蟲良○日華子云味辛涼無毒通月經治婦人血氣肚脹月候不勻似益母草莖圓拜葉用

圖經曰馬鞭草舊不載所出州土今衡山廬山江淮州郡皆有之春生苗似狼牙亦類益母而莖圓高三三尺抽三四穗于七月八月採苗葉日乾用味甘苦微寒有小毒或云子亦通用古方多用之葛氏治卒大腹水病用馬鞭草鼠尾草各十觔水一石煮取五斗去滓再煎令稠厚以粉和丸一服二三大豆許加四五豆神良

聖惠方治白癩用馬鞭草不限多少為末每服食前用荆芥薄荷湯調下一錢七又方治婦人月水滯澁不快通結成癥塊肋



脹大欲死用馬鞭草根苗五觔剉細水五斗煎至一斗去滓別於淨器中熬成膏每食前溫酒調下半匙

外臺秘要治蠅蝮尿馬鞭草爛搗以封之乾復更易差

千金方食魚鱠及生肉在胃膈不化必成癥瘕搗馬鞭草汁飲之一升生薑水亦得即消

又方治喉痺躁腫連頰吐氣數者名馬喉痺馬鞭草一握勿見風截去兩頭搗取汁服之

芎根



芎根寒主小兒赤丹其漬芎汁療渴

陶隱居云即今續芎爾又有山芎亦相似可入用也

唐本注云別錄云根安胎貼熱丹毒腫有効漚芎汁主消渴也○今按陳藏器本草云芎破次須芎與產婦溫服之將芎麻與

產婦枕之本草正血暈產後腹痛以芎安腹上則止蠶咬人毒入肉取芎汁飲之今以芎近蠶種則蠶不生也

禹錫等按蜀本注云苗高丈已來南人剥其皮爲布二月八月採江左山南皆有之藥性論云芎麻根使味甘平主懷妊安胎

日華子云味甘滑冷無毒治心膈熱滿胎下血產前後心煩悶天行熱疾大渴大狂服金石藥人心熱罽毒箭蛇蟲咬

圖經曰芎根舊不載所出州土今閩蜀江浙多有之其皮可績布苗高七八尺葉如

楮葉面青背白有短毛夏秋間著細穗青花其根黃白而輕虛二月八月採又有一種山芎亦相似謹按陸機草木疏云芎一科數十莖宿根在地中至春自生不須藏

種荆楊間歲三刈官令諸園種之歲再刈

便利取其皮以竹刮其表厚處自脫得裏如筋者煮之用緝今江浙閩中尚復如此孕婦胎損方所須又主白丹濃煮水浴之日三四差韋宙療癰疽發背初覺未成膿

者以芎根葉熟搗傳上日夜數易之腫消則差矣

聖惠方治妊娠胎動欲墮腹痛不可忍者用芎根二兩剉銀五兩酒一盞同煎去滓不計時候分溫作二服

外臺秘要備急治白丹芎根三觔小豆四升以水二斗煮以浴三四遍浸洗妙

肘後方丹者惡毒之瘡五色無常芎根三觔水三斗煮浴每日塗之○又方胎動不安取芎根如足大指者一尺咬咀以水五升煮取三升去滓服

斗門方治五種淋用芎麻根兩莖打碎以水一椀半煎取半椀頻服即通大妙梅師方治諸癰疽發背或發乳房初起微赤不急治之即死速消方搗芎根傳之數

易○又方治姪娘忽下

黃汁如膠或如小豆汁芋根切二升去黑皮以銀一觔水九升煎取四升每服人酒半升或一升煎藥取一升分作二服  
衍義曰芋根如蓴麻花如白楊而長成穗生每一朵凡數十穗青白色

白頭翁

徐州



商州



日頭翁 味苦温無毒有毒主温瘧狂易寒熱癥瘕積聚癰氣逐血止痛療癩瘡鼻衄一名野丈人一名明王使者一名楫何草生山

谷及田野四月採

陶隱居云處處有近根處有白茸狀似人白頭故以為名方用亦療毒痢唐本注云其葉似芍藥而大抽一莖莖頭一花紫色似木槿花實大者如雞子白毛寸餘皆披下似蠹頭正似白頭老翁故名焉今言近根有白茸陶似不識太常所貯蔓生者乃是女萎其白頭翁根甚瘠毒痢似續斷而扁○今按別本注云今處處有其苗有風則靜無風而搖與赤箭獨活同也○又今驗此草叢生狀如白薇而柔細稍長葉生莖頭如杏葉上有細白毛近根者有白茸舊經陶注則未述其莖葉唐注又云葉似芍藥實大如雞子白毛寸餘此皆誤矣禹錫等按蜀本圖經云有細毛不滑澤花藥黃今所在有之二月採花四月採實八月採根皆日乾○藥性論云白頭翁使味甘苦有小毒止腹痛及赤毒痢治齒痛主項下瘤癭又云胡王使者味苦有毒主百骨節痛豚寶為使

日華子云得酒良治一切風氣及暖腰膝明目消贅子功用同上莖葉同用之

圖經曰白頭翁生嵩山山谷今近京州郡皆有之正月生苗作叢狀如白薇而柔細稍長葉生莖端上有細白毛而不滑澤近根有白茸正似白頭老翁故名焉根紫色深如蔓菁二月三月開紫花黃藥五月六月結實其苗有風則靜無風而搖與赤箭獨活同七月八月採根陰乾用今俗醫用合補下藥服之大暖亦衝人

外臺秘要治陰癰白頭翁根生者不限多少搗之隨編腫處以傅之一宿當作瘡二十日愈

肘後方小兒禿取白頭翁根搗傅一宿或作瘡二十日愈

衍義曰白頭翁生河南洛陽界及新安土山中性温止腹痛暖腰膝唐本注及藥性論甚詳陶隱居失於不審宜其排此也新安縣界兼山野中屢常見之正如唐本注所說至今本處山中人賣白頭翁丸言服

之壽考又失古人命名之意

甘蔗根

甘蕉根



甘蕉根



甘蕉根 大寒主癰腫結熱

陶隱居云本出廣州今都下東閩並有根葉無異惟子不堪食爾根搗傳熱腫甚良又有五葉芽生人籬接間作藤俗人呼為籠草取其根搗傳癰癩亦効唐本注云五葉即烏菘草也其甘蕉根味甘寒無毒搗汁服主產後血脹悶傳腫去熱毒亦効嶺南者子大味甘冷不益人吐

問但有花汁無實○今注此藥本出廣州然有數種其子性冷不益人故不備載按此花葉與芭蕉相似而極大子形圓長及生青熟黃南人皆食之而多動氣疾其根搗傳熱腫尤良

禹錫等按蜀本圖經云俗為芭蕉多生江南葉長丈許闊二尺餘莖虛軟根可生用不入方藥○藥性論云甘蕉根搗傳一切癰腫上乾即更上无不瘥者

日華子云生芭蕉根治天行熱狂煩悶消渴患應毒并金石發熱悶口乾人並絞汁服及梳頭長益髮腫毒遊風風癩頭痛并研罾傳○又云芭蕉油冷無毒治頭風熱并女人髮落止煩渴及湯火瘡

圖經曰甘蕉根舊不著所出州郡陶隱居云本出廣州江東並有根葉无異惟子不堪食今出二廣閩中川蜀者有花閩廣者實極美可噉他處雖多而作花者亦少近歲都下往往種之甚盛皆芭蕉也蕉類亦多此云甘蕉乃是有子者葉大抵與芭蕉

相類但其卷心中抽蘇作花初生大蓐如倒垂莖莖有十數層層皆作瓣漸大則花出瓣中極繁盛紅者如火炬謂之紅蕉白者如蠟色謂之水蕉其花大類象牙故謂之牙蕉其實亦有青黃之別品類亦多食


之大甘美亦可暴乾寄遠北土得之以為珍果閩人及埋其皮令錫滑績以為布如古之錫裘焉其根極冷搗汁以傳腫毒毒婦血妨亦可飲之又芭蕉根性亦相類俚醫以治時疾狂熱及消渴金石發動躁熱並可飲其汁又芭蕉油治暗風癩病涎作

暈悶欲倒者飲之得吐便瘥極有奇効取之用竹筒柿皮中如取漆法食療主黃疸子生食大寒止渴潤肺發冷病蒸熱暴之令口開拍取人食之性寒通血脉填骨髓

百一方發背欲死也取根搗塗之子母秘錄治小兒赤遊行於上下至心即死搗芭蕉根汁煎塗之衍義曰芭蕉三年已上即有花自心中出

一莖止一花全如蓮花葉亦相似但其色微黃綠從下脫葉夜心但向上生常如蓮樣然未嘗見其花心剖而示之亦无葉悉是葉但花頭常下垂每一朵自中夏開直至中秋後方盡凡三葉開則三葉脫落吐地惜其種人故少用縷其苗為布取汁婦人塗髮令黑餘說如經

蘆根



**蘆根**味甘寒主消渴客熱止小便利

陶隱居云當掘取甘辛者其露出及浮水中者並不堪用也

唐本注云此草根療嘔逆不下食胃中熱傷寒患者彌良其花名蓬蘽音水煮汁服主霍亂大善用有驗也

禹錫等按藥性論云蘆根使無毒能解大

熱開胃治噎噦不止

日華子云治寒熱時疾煩悶姪孕人心熱并瀉痢人渴

圖經曰蘆根舊不載所出州土今在處有生下濕陂澤中其狀都似竹而葉抱莖生无枝花白作穗若茅花根亦若竹根而節疎二月八月採日乾用之當極取水底甘辛者其露出及浮水中者並不堪用謹按爾雅謂蘆根為葭華郭璞云蘆葦也葦即蘆之成者謂葦為葦與廉同葦似荏音而細長高數尺江東人呼為葦道與荏同荏者謂荏地取為亂五亂似葦而小中實江東呼為烏藍音者或謂之荏荏至秋堅成即謂之荏其色皆名荏徒其萌筍皆名蘆音若然所謂蘆葦通一物也所謂廉今作葦者是也所言荏人以當薪爨者是也今人罕能別葦荏與蘆葦又北人以葦與蘆為二物水傍下濕所生者皆名葦其細不及指人家池圃所植者為蘆其餘差大深碧色者謂之碧蘆亦難得然則本

草所用蘆今地謂葦者皆可通用也古

方多單用葛洪療嘔噦切根水煮頓服一升必効方以童子小便煮服不過三升差

其蓬葦主卒得霍亂氣息危急者取一把煮濃汁頓服二升瘥兼主魚蟹中毒服之尤佳其筍味小苦堪食法如竹筍但極冷

耳

唐本餘生下濕地莖葉似竹花苦荏花二月八月採根日乾用之

雷公云凡使須要逆水蘆其根逆水生并

黃泡肥厚者味甘採得後去節鬚并上赤黃了細剉用

聖惠方治食馬肉中毒疼痛蘆根五兩切以水八升煮取二升分為三服

千金方治乾嘔噦若手足厥冷蘆根三觔濃煮汁飲之

肘後方食鱸魚肝鱖魚中藥到蘆根煮汁一二升飲之

梅師方食狗肉不消心下堅或腹脹口乾忽發熱妄語煮蘆根飲之


金匱玉函方治五噎心膈氣滯煩悶吐逆  
不下食蘆根五兩剉水三大盞煮取二盞  
去滓不計時候温服

鬼曰

齊州



舒州



**鬼白** 味辛温微温有毒主殺蠱毒鬼疰精物  
辟惡氣不祥逐邪解百毒療欬嗽喉結風邪  
煩惑失魄妄見去目中膚翳殺大毒不入湯  
一名爵犀一名馬目毒公一名九日一名天  
日一名解毒生九真山谷及宛句二月八月  
採根畏垣

陶隱居云鬼曰如射干白而味甘温有毒  
主風邪鬼疰蠱毒九日相連有毛者良一  
名九日生山谷八月採陰乾又似鈎吻今  
馬目毒公如黃精根白處似馬眼而柔潤  
鬼曰似射干木輩有兩種出錢塘近道者  
味甘上有叢毛最勝出會稽具興者乃大  
味苦無叢毛不如畧乃相似而乖異毒公  
今方家多用鬼曰少用毒公不知此鄉復  
頓爾乖越也

唐本注云此藥生深山巖石之陰葉如莧  
麻重樓輩生一莖莖端一葉亦有兩歧者  
年長一莖莖枯為一曰假令生來二十年  
則有二十日豈惟九日耶根肉皮鬚並似  
射干今俗用皆是射干及江南別送一物  
非真者今荆州當陽縣硤州遠安縣襄州  
荆山縣山中並有之極難得也  
禹錫等按蜀本圖經云花生莖間赤色今  
出硤州襄州深山二月八月採根日乾用  
之○藥性論云鬼曰使味苦能主尸疰殭  
瘕勞疾傳尸瘦疾主碎邪氣逐鬼神

圖經曰鬼曰生九真山谷及宛句今江寧  
府餘舒商齊抗襄硤州荆門軍亦有之多  
生深山巖石之陰葉似莧麻重樓輩初生  
一莖莖端一葉亦有兩歧者年長一莖莖  
枯為一曰二十年則二十日也花生莖間  
赤色三月開後結實根肉皮鬚並似射干  
俗用皆是射干當細別之二月八月採根  
暴乾用古方治五尸鬼疰百毒惡氣方用  
之一說鬼曰生深山陰地葉六出或五出  
如鴈掌莖端一葉如繖蓋旦時東向及暮  
則西傾蓋隨日出沒也花紅紫如荔枝正  
在葉下常為葉所蔽未常見日一年生一  
葉既枯則為一曰及八九年則八九日矣  
然一年一白生而一曰齋蓋陳新相易也  
故俗又名曰害母草如芋魁烏頭輩亦然  
新苗生則舊苗死前年之魁腐矣而本草  
注謂全似射干今射干體狀雖相似然白  
形淺薄大異鬼曰白如八九天南星側  
比相疊而色理正如射干要者當使人求  
苗採之市中不復有也

**角蒿**味辛苦平有小毒主甘濕蠱諸惡瘡有蟲者

唐本注云葉似白蒿花如瞿麥紅赤可愛子似王不留行黑色作角七月八月採唐本先附

禹錫等按蜀本圖經云葉似蛇床青蒿等子角似蔓菁實黑細秋熟所在皆有之陳藏器云蘆蒿味辛温无毒主破血下氣煮食之似小薊生高崗宿根先於百草一名我蒿爾雅云我蘿注蘆蒿也釋曰詩小雅云菁菁者我陸機云我蒿也一名羅蒿生澤田墮洳處葉似邪蒿而細科生三月中莖可食又可蒸香美味頗似莖薑蒿雷公云凡使勿用紅蒿并邪蒿二味真似角蒿只是上香角短採得並於槐砧上細剉用之


官氣方治小兒口瘡角蒿灰貼瘡妙

衍義曰角蒿莖葉如菁蒿開淡紅紫花花大約徑三四分花罷結角子長二十許微彎苗與角治口齒絕勝

馬兜零

州 滁

州 信



**馬兜零**味苦寒無毒主肺熱欬痰結喘促

血痔瘻瘡生關中藤繞樹而生子狀如鈴作四五瓣  
禹錫等按藥性論云馬兜零平能主肺氣上急坐息不得主欬逆連連不可

日華子云治痔瘻瘡以藥於餅中燒熏病處入藥灸用是上青木香獨行根子越州七八月採

圖經曰馬兜零生關中今河東河北江淮夔浙州郡亦有之春生苗如藤蔓葉如山

芋葉六月開黃紫花頗類枸杞花七月結實棗許大如鈴作四五瓣其根名雲南根似木香小指大赤黃色亦名土青木香七月八月採實暴乾主肺病三月採根治氣下膈止刺痛

雷公云凡使採得後去葉并蔓子用生絹袋盛於東屋角畔懸令乾了擊作片取向裏了去革膜並令淨用子并皮勿令去革膜不盡用之

聖惠方治五種蠱毒用兜零根三兩為末分為三貼以水一盞煎五分去滓頻服當吐盡出未快再服以快為度  
又方草蠱術正因方及嶺南人若行此毒入人咽喉痛欲死者用兜零苗一兩為末以温水調下一錢七即消化蠱出効

外臺秘要崔氏蛇蠱食飲中得之咽中如  
有物嚙不下吐不出悶心熱服兜零即吐  
出又服麝香一錢七即吐蠱毒

簡要濟衆治肺氣喘嗽兜零二兩只用裹  
面子去却殼酥半兩入椀內拌和勻慢火

炒乾甘草一兩炙二味為末每服一錢水  
一盞煎六分溫呷以藥末含嚙津亦得

衍義曰馬兜零蔓生附木而上葉脫時零  
尚垂之其狀如馬項鈴故得名然熟時則

自折折間有子全者採得時須八九月間  
治肺氣喘急

仙茅

戎州



府



仙茅味辛溫有毒主心腹冷氣不能食腰脚  
風冷痺痺不能行丈夫虛勞老人失溺無子

益陽道久服通神強記助筋骨益肌膚長精

神明目一名獨茅根一名茅瓜子一名婆羅

門參仙茅傳云十觔乳石不及一觔仙茅表

其功力爾生西域又大庾嶺亦云忌鐵及牛

乳二月八月採根附今

禹錫等按日華子云治一切風氣延年益

壽補五勞七傷開胃下氣益房事彭祖單

服法以米泔浸去赤汁出毒後無妨損

圖經曰仙茅生西域及大庾嶺今蜀川江

湖兩浙諸州亦有之葉青如茅而軟復稍

闊面有縱理又似梭欄至冬盡枯春初乃

生三月有花如梔子黃不結實其根獨莖

而直傍有短細根相附肉黃白外皮稍蠟

褐色二月八月採根暴乾用衡山出者花

碧五月結黑子謹按續傳信方叙仙茅云

主五勞七傷明目益筋力宜而復補本西

域道人所傳開元元年婆羅門僧進此藥

明皇服之有效當時禁方不傳天寶之亂

方書流散上都不空三藏始得此方傳與

李勉司徒路嗣恭尚書齊抗給事張建封

衛射服之皆得力路公久服金石無効及

得此藥其益百倍齊給事守緡雲日少氣

力風痺繼作服之遂愈八九月時採得竹

刀子刮去黑皮切如豆粒米泔浸兩宿陰

乾搗篩熟蜜丸如梧子每旦空肚酒飲任

使下二十九禁食牛乳及黑牛肉大減藥

力也續傳信方偽唐筠州刺史王顏所著

皆因書編錄其方當時盛行故今江南但

呼此藥為婆羅門參

海藥云生西域蠶細有筋或如筆管有節

文理其黃色多涎梵云呼為阿輪軋陁味

甘微溫有小毒主風補暖腰脚清安五藏

強筋骨消食久服輕身益顏色自武城來

蜀中諸州皆有葉似茅故名曰仙茅味辛

平宜而復補无大毒有小熱有小毒主丈

夫七傷明目益筋力填骨髓益陽不倦

用時竹刀切糯米泔浸  
雷公云凡採得後用清水洗令淨刮上皮  
於槐砧上用銅刀切豆許大却用生稀布  
袋盛於烏豆水中浸一宿取出用酒濕拌  
了蒸從已至亥取出暴乾勿犯鐵器斑人

鬚鬚

**羊桃**味苦寒有毒主燠熱身暴赤色風水積  
聚惡瘍除小兒熱去五藏五水大腹利小便  
益氣可作浴湯一名鬼桃一名羊腸一名菱  
楚一名御弋一名鉞鉞音桃弋生山林川谷及生

田野二月採陰乾

陶隱居云山野多有甚似家桃又非山桃  
子小細苦不堪噉花甚赤詩云隔有菱楚  
者即此也方藥亦不復用唐本注云此物  
多生溝渠隍壑之間人取煮以洗風痺及  
諸瘡腫極効南人名紐子根也

禹錫等按蜀本圖經云生平澤中葉花似  
桃子細如粟核苗長弱即蔓生不能為樹  
今處處有多生溪澗今人呼為細子根似  
牡丹癩腫○爾雅云長楚鉞弋郭云今羊

桃也釋云葉似桃花白子如小麥亦似桃  
陸機云葉長而狹華紫赤色其枝莖弱過  
一尺引蔓于草上今人以為汲灌重而善  
沒不如楊柳也近下根刀切其皮著熱灰  
中脫之可韜筆管也

陳藏器云味甘无毒主風熱羸老浸酒服  
之生蜀川川谷中草高一尺葉長小亦云  
羊桃根也  
肘後方治傷寒毒攻手足痛煮羊桃汁漬  
之雜鹽豉元好

鼠尾草



**鼠尾草**味苦微寒無毒主鼠瘻寒熱下痢膿  
血不止白花者主白下赤花者主赤下一名  
勤音一名陵翹生平澤中四月採葉七月採  
花陰乾

陶隱居云田野甚多人採作滋滌皂又用  
療下癰當濃煮取汁令可丸服之今人亦  
用作飲

禹錫等按蜀本圖經云所在下濕地有之  
葉如蒿莖端夏生四五穗穗若車前有赤  
白二種花七月採苗日乾用之○爾雅云  
勤鼠尾釋曰可以染皂草也一名鼠尾  
陳藏器云鼠尾草平主諸痢煮汁服亦末  
服紫花莖葉堪染皂一名烏草又名水青  
也

圖經曰鼠尾草舊不載所出州土云生平  
澤中今所在有之惟黔中人採為藥苗如  
蒿夏生莖端作四五穗穗若車前花有赤  
白二色爾雅謂勤鼠尾云可以染皂草也  
四月採葉七月採花陰乾古治痢多用之  
姚氏云濃煮汁如薄飴飲五合日三赤下  
用赤花白下用白花瘥

聖惠方治久赤白痢不瘥羸瘦用鼠尾草  
搗為末每服一錢不計時候以粥飲調下  
**各**味辛平有毒主蠱毒逐邪惡氣殺鬼溫



瘡辟不祥一名雀瓢蛇銜根也生朱崖八月  
採陰乾

陶隱居云若是蛇銜根不應獨生朱崖俗  
用是草葉別是一物未詳孰是銜云帶此  
屑一兩則疫癘不犯彌宜識真者

唐本注云此草即雀瓢也葉似羅摩兩葉  
相對子似瓢形大如棗許也雀瓢根似白  
薇生平澤莖葉並臭其蛇銜根都非其類  
又別錄云葉嫩時似羅摩圓端大莖實黑  
莖葉汁黃白亦與前說相若是蛇銜根何  
得苗生益州根在朱崖相去萬里餘也別  
錄云雀瓢白汁主蟲蛇毒即女青苗汁也  
禹錫等按藥性論云女青使味苦无毒能  
治溫瘧寒熱蛇銜為使

圖經曰文具蛇銜條下  
肘後方辟溫病正月上寅日擣女青末三  
角絳囊盛繫前帳中大吉  
子母秘錄治小兒卒腹皮青黑赤不能喘  
息即急用此方并治吐痢卒死用女青末  
內口中酒服亦治大人

紫虛无君南嶽夫人內傳治卒死擣女青  
屑一錢安喉中以水或酒送下立活也  
故麻鞋底水煮汁服之解紫石英發毒又主  
霍亂吐下不止及解食牛馬肉毒腹脹吐痢  
不止者

今按陳藏器本草云故麻鞋底主消渴煮  
汁服之鞋網繩如棗大婦人內衣有血者  
手大鈎頭棘針二七枚三物並燒作灰以  
猪脂調傳狐刺瘡出蟲唐本先附  
禹錫等按陳藏器云破草鞋和人亂髮燒  
作灰醋和傳小兒熱毒遊腫

陳藏器云取麻鞋尖頭二七為灰歲朝并  
花水服之又主遺溺又故麻鞋底燒今亦  
投酒煮粟穀汁中服之主霍亂轉筋  
外臺祕要近效尿床取麻鞋網帶及鼻根  
等唯不用底須七量以水七升煮取二升  
分再服之  
又方治蜈蚣螫人麻鞋履底灸以指之即  
瘥  
千金方肛脫出以炙麻履底令人頻按未

瘥又故麻鞋底鼈頭各一枚燒鼈頭擣為  
末傳肛門將履底按入即不出也  
經驗方治鼻寒燒麻鞋灰吹鼻中互通一  
名千里馬麻鞋名也  
廣利方治鼻衄血鞋韜作灰火鼻孔中立  
効

劉寄奴草



味苦溫主破血下脹多服令人痢  
生江南

唐本注云莖似艾蒿長三四尺葉似蘭草  
尖長子似稗而細一莖上有數穗葉互生  
○今按別本注云昔人將此草療金瘡止  
血為要藥產後餘疾下血止痛極効唐本  
先附  
禹錫等按蜀本圖經云葉似菊高四五尺

花白實黃白作穗蒿之類也今出越州夏收苗日乾之

日華子云劉寄奴无毒治心腹痛下氣水張也氣通婦人經脉癥結止霍亂水瀉又名劉寄奴六七八月採

間經曰劉寄奴草生江南今河中府孟州漢中亦有之春生苗莖似艾蒿上有四稜高三二尺已來葉青似柳四月開碎小黃白花形如瓦松七月結實似黍而細一莖上有數穗互生根淡紫色似萵苣六月七月採苗花子通而用之

雷公云採得後去莖葉只用實凡使先以布拭上薄殼皮令淨拌酒蒸從已至申出暴乾乾用之

經驗方治湯火瘡至妙劉寄奴搗末先以糯米漿雞翎掃湯著處後搽藥末在上並

骨碎補

州威



州針



州海



州戒



骨碎補味苦溫無毒主破血止血補傷折生

江南根著樹石上有毛葉如菴蘭江西人呼為胡孫薑一名石菴蘭一名骨碎布附今高錫等按藥性論云骨碎補使能主骨中毒氣風血疼痛五勞六極口手不收上熱下冷悉能主之

陳藏器云骨碎補似石韋而一本十一根餘葉生於木嶺南虔吉亦有本名猴薑開元皇帝以其主傷折補骨碎故作此名耳

日華子云猴薑平治惡瘡蝕爛肉殺蟲是樹上寄生草苗似薑細長

圖經曰骨碎補生江南今淮浙陝西夔路州郡亦有之根生大木或石上多在背陰處引根成條上有黃毛及短葉附之又有大葉成枝面青綠色有黃點背青白色有赤紫點春生葉至冬乾黃无花實惟根入藥抹无時削去毛用之本名胡孫薑唐明皇以其主折傷有奇効故作此名蜀人治閃折筋骨傷損取根搗篩煮黃米粥和之裹傷處良又用治耳聾削作細條火炮乘熱塞耳亦入婦人血氣藥用又名石毛薑

雷公云凡使採得後先用銅刀刮去上黃赤毛盡便細切用酒拌令潤架柳甑蒸二日後出暴乾用又乾寧記云去毛細切後用生蜜拌蒸從已至亥準前暴乾擣中用炮猪腎空心喫治耳鳴亦能正諸雜痛靈苑方治虛氣攻牙齒痛血出牙斷痒痛骨碎補二兩細剉炒令黑色杵末依常鹽漱後揩齒根下良久吐之臨卧用後睡嚙之無妨

圖經行義本草卷之十八

圖經行義本草卷之十九

宋通且郎辨驗藥材寇宗奭編撰  
宋大醫助 辨驗藥材許洪校正

草部上品  
木賊

秦州



**木賊**味甘微苦無毒主有疾退翳膜又消積塊益肝膽明目療腸風止痢及婦人月水不斷得牛角鰓射香治休息痢歷久不差得禹餘糧當歸芎藭療崩中赤白得槐鷺桑耳腸風下血服之效又與槐子枳實相宜主痔疾出血出秦隴華成諸郡近水地苗長尺許叢生每根葉蕚無花葉寸十有節色青稜冬不凋四月採用之新定

圖經曰木賊生秦隴同華間味微苦無毒主明目療風止痢所生山谷近水地有之獨莖苗如箭筈無葉長一二尺青色經冬

事六

不枯寸寸有節採無時今醫用之最多甚治腸痔多年不差下血不止木賊枳殼各二兩乾薑一兩大黃一分四味並判一處於銚子內炒黑色存三分性擣羅溫粟米飲調食前服二錢七甚效

廣利方治瀉血不止木賊十二分切以水一升八合煎取八合去滓空心溫分二服如人行五里再服

衍義曰木賊細剉微炒搗為末沸湯點二錢食前服治小腸膀胱氣緩服必效

**青蘘草**味苦平無毒主久效上氣喘逆久寒篤悖痲疥白禿瘍氣殺皮膚小蟲可以染黃作金色生青衣川谷九月十月採

畏鼠婦○陶隱居云青衣在益州西唐本注云此草葉似薄而細竹莖亦圓小

生平澤溪澗之側刺裏人煮以染黃色極鮮好洗瘡有效俗名菜草爾雅云所謂王芻有也○禹錫等按爾雅疏云菜鹿蓐也今呼鴨脚莎詩衛風云瞻彼淇澳菜竹猗猗是也藥性論云蘘草便治一切惡食